



অবিলম্বে প্রকাশের উদ্দেশ্যে: 12/19/2023

গভর্নর ক্যাথি হোকল

গভর্নর হোকল স্ব্চ্ছাসেবক দমকল বিভাগের সমর্থনে 25 মিলিয়ন মার্কিন ডলার মূলধন তহবিল উপলভ্য থাকার ঘোষণা করলেন

নির্মাণকাজ, সংস্কার, বা ফ্যাসিলিটি এবং সরঞ্জাম সেবা ক্রয় প্রকল্পের জন্য স্ব্চ্ছাসেবক দমকল বিভাগের জন্য অনুদান উপলভ্য থাকবে

অনুদান কর্মসূচি হলো নিউ ইয়র্কের স্ব্চ্ছাসেবক দমকল সেবাকে বলীয়ান ও স্থিতিশীল করতে গভর্নর হোকলের প্রয়াসের অনুবর্তী

30 এপ্রিল, 2024, বিকাল 5:00টার মধ্যে আবেদনপত্র জমা দিতে হবে

গভর্নর ক্যাথি হোকল আজকে ঘোষণা করলেন যে পুরো স্টেটের স্ব্চ্ছাসেবক দমকল বিভাগের জন্য তাদের ফ্যাসিলিটি ও সরঞ্জাম উন্নয়নের জন্য 25 মিলিয়ন মার্কিন ডলার মূলধন তহবিল উপলভ্য থাকবে। নিউ ইয়র্কের স্ব্চ্ছাসেবক দমকল সেবা বলীয়ান করতে গভর্নর হোকলের অব্যাহত প্রয়াসের অংশ হিসেবে, অর্থবছর 2023-24 স্টেটবাজেটে এই উদ্যোগের জন্য 25 মিলিয়ন মার্কিন ডলার নিশ্চিত করা হয়, সেই সাথে [স্ব্চ্ছাসেবক দমকল কর্মীদের বাধ্যতামূলকভাবে যেই প্রশিক্ষণ কোর্স সম্পূর্ণ করতে হয় তার ব্যয়পূরণের জন্য 10 মিলিয়ন মার্কিন ডলার](#) প্রদান করা হয়। কর্মসূচির আবেদনের অনুরোধ (Request for Applications, RFA) [এখানে](#) উপলভ্য আছে।

"নিউ ইয়র্কের স্ব্চ্ছাসেবক দমকলকর্মীরা নিঃস্বার্থ জনসেবক যারা নিজেদের সম্প্রদায়কে নিরাপদ রাখার জন্য নিজ জীবনকে ঝুঁকিগ্রস্ত করে," **গভর্নর হোকল বলেন।** "আমরা যে সেবাদানকারীকে সম্ভাব্য যেকোনো এবং সকল উপায়ে সর্বদা সমর্থন করে যাবো, তা তাদের মনে করিয়ে দিতে এই তহবিলটি অনেক সাহায্য করবে।"

স্টেটের স্বদেশ নিরাপত্তা ও জরুরি সেবা বিভাগ (Division of Homeland Security and Emergency Services, DHSES) পরিচালিত কর্মসূচিটি নিম্নলিখিত উদ্দেশ্য পূরণ করে ফ্যাসিলিটিসমূহ এবং সাড়াদান সক্ষমতাকে হালনাগাদ ও উন্নত করার মাধ্যমে স্ব্চ্ছাসেবক দমকল বিভাগকে সমর্থন করবে:

- ফায়ার স্টেশন এবং প্রশিক্ষণ ফ্যাসিলিটি'র নিরাপদ, কাঠামোগতভাবে নিখুঁত থাকা, বর্তমান ভবন কোড ও প্রবিধান পূরণ করা, এবং কার্যকরী ও নিরাপদ অগ্নি নির্বাপক অনুশীলন সমর্থন ও প্রচার করা নিশ্চিত করবে।
- ব্যক্তিগত সুরক্ষা সরঞ্জাম (personal protective equipment, PPE), জীবাণুমুক্তকরণ সরঞ্জাম ও সরবরাহ, এবং কার্যকর এক্সস্ট অপসারণ ব্যবস্থার মতো সরঞ্জাম প্রদান করার মাধ্যমে স্বেচ্ছাসেবক দমকল কর্মীর নিরাপত্তা ও স্বাস্থ্য ও সুস্থতাকে সমর্থন করা।
- স্থানীয়, কাউন্টি, এবং স্টেটব্যাপী সাড়াদান প্রয়াস উন্নত করতে জুরিসডিকশনাল সীমানার বাইরে গিয়েও কর্মকাণ্ড সম্প্রসারিত করার জন্য আঞ্চলিকীকরণ প্রয়াসের মাধ্যমে দমকল সেবা সংস্থানের সম্মিলনের সমর্থন করা।

অনুদান কর্মসূচির মাধ্যমে অর্থাৎয়ের দুইটি বিকল্প উপলভ্য আছে:

- নির্মাণকাজ, সংস্কার, এবং/অথবা ফ্যাসিলিটি ক্রয় প্রকল্পের জন্য **20 মিলিয়ন মার্কিন ডলার** যার মধ্যে আছে ফায়ার স্টেশন, সাবস্টেশন এবং যৌথ/শেয়ার্ড স্টেশন, ফায়ার প্রশিক্ষণ টাওয়ার, শিক্ষাদানের শ্রেণীকক্ষ এবং মিটিং কক্ষ, এক্সস্ট ব্যবস্থা, এবং জীবাণুমুক্তকরণের জন্য গোসলের ব্যবস্থা।
- অনুমোদিত দমকল সেবা সরঞ্জাম প্রকল্পের জন্য **5 মিলিয়ন মার্কিন ডলার** যার মধ্যে আছে ব্যক্তিগত সুরক্ষা সরঞ্জাম, PPE ওয়াশার/এক্সট্রাক্টর, PPE ড্রয়ার, রেডিও/যোগাযোগের সরঞ্জাম, রিহ্যাব সরঞ্জাম, এবং মাস্ক সেবা ইউনিট/ এয়ার কম্প্রেসর।

নিউ ইয়র্ক স্টেট স্বদেশ নিরাপত্তা ও জরুরি সেবা বিভাগের কমিশনার জ্যাকি ব্রে বলেন, "স্বেচ্ছাসেবক দমকল বিভাগ হলো স্টেটব্যাপী সম্প্রদায়সমূহে জরুরি সাড়াদানের মেরুদণ্ড, এবং সাম্প্রতিক বছরগুলিতে নতুন হুমকি ও জলবায়ু পরিবর্তনের ক্রমবর্ধমান প্রভাবের সম্মুখীন হয়ে তাদের আরো বেশি কাজ করার জন্য আহ্বান করা হয়েছে। কিন্তু দুর্ভাগ্যবশত, এইসব সম্প্রসারিত মিশন সম্পূর্ণ করার জন্য প্রয়োজনীয় ফ্যাসিলিটি'র হালনাগাদ করতে এবং সরঞ্জাম ক্রয় করার ক্ষেত্রে বহু বিভাগ সমস্যার সম্মুখীন হয়। গভর্নর হোকলের নেতৃত্বের কারণে, এই 25 মিলিয়ন মার্কিন ডলার নিশ্চিত করতে সাহায্য করবে যাতে সাহসী এই জনসেবকদের কাছে জরুরি অবস্থায় তাদের সম্প্রদায়সমূহকে নিরাপদ রাখার জন্য প্রয়োজনীয় ফ্যাসিলিটি ও সরঞ্জাম থাকে।"

নিউ ইয়র্ক স্টেট অগ্নি প্রশাসক জিম কেবল বলেন, "স্বেচ্ছাসেবক দমকল বিভাগ হলো যেকোনো সময়ে জরুরি পরিস্থিতিতে সাড়াদানের জন্য স্টেটের সার্বিক ক্ষমতার একটি অতি গুরুত্বপূর্ণ উপাদান, এবং তাদের সক্ষমতা উন্নত করতে এবং তাদের সার্বিক স্বাস্থ্য ও নিরাপত্তা বৃদ্ধি করতে যথাসম্ভব তহবিল প্রদান করা আমাদের জন্য গুরুত্বপূর্ণ। এই অনুদান তহবিল

নিশ্চিত করার জন্য আমি গভর্নর হোকলের প্রশংসা করছি এবং নিউ ইয়র্কবাসী ও তাদের সেবা প্রদানকারীদের নিরাপদ রাখতে সাহায্য করবে এমন উপায়ে এই তহবিল বাস্তবায়ন করার জন্য আমাদের স্টেটের দমকল কর্মীরা যাতে সম্প্রদায়সমূহের সাথে কাজ করে তা নিশ্চিত করবো।"

স্টেটের সিনেটর মিশেল হিঞ্চি বলেন, "নিউ ইয়র্কের সর্বপ্রথম স্বেচ্ছাসেবক অগ্নি সেবা মূলধন তহবিল (Volunteer Fire Services Capital Fund) অবশেষে খুলে দেওয়া হয়েছে, এটি আমাদের প্রথম সাড়াদানকারী এবং স্থানীয় করদাতাদের জন্য একটি বড় বিজয় এবং আমি এই পরিবর্তন তৈরিতে নেতৃত্ব দিতে পেরে গর্বিত। নতুন এই মূলধন তহবিলটি শুধু আমাদের সম্প্রদায়সমূহের নিরাপত্তার জন্য বিনিয়োগ নয়, বরং এছাড়াও এটি সেই প্রথম সাড়াদানকারীদের জন্য একটি বিনিয়োগ যারা সর্বদা দায়িত্বের আস্থানে সাড়া দিয়ে থাকে। নিউ ইয়র্কের স্বেচ্ছাসেবক ফায়ারহাউজের সমর্থনের কাজ করতে পারা একটি বিশেষাধিকার, এবং উপলভ্য তহবিলের সদ্যবহার করার জন্য আমি সবাইকে উৎসাহিত করছি।"

শুধু নিউ ইয়র্ক স্টেটে অবস্থিত এবং এক বা একাধিক স্থানীয় সরকারকে সেবাদানকারী সত্তাসমূহ আবেদন করতে পারবে। সকল আবেদনকারীকে তাদের আবেদনে এই ব্যাখ্যা করতে হবে যে তারা কীভাবে যোগ্যতার আবশ্যিকতা পূরণ করে। যোগ্য সংগঠনের মধ্যে রয়েছে 100 ভাগ স্বেচ্ছাসেবক দমকল কর্মী নিয়ে গঠিত স্বেচ্ছাসেবক ফায়ার কোম্পানি যারা এক বা একাধিক জুরিসডিকশনে অগ্নি সুরক্ষা সেবা দেওয়ার জন্য দায়িত্বপ্রাপ্ত; অলাভজনক ফায়ার কোম্পানি আবেদনের জন্য যোগ্য হবে এবং তারা প্রাকযোগ্যতা বা প্রাকযোগ্যতা মওকুফ ধরনের হতে পারবে; 100 ভাগ স্বেচ্ছাসেবক দমকল কর্মী নিয়ে গঠিত একটি দমকল বিভাগের মাধ্যমে অগ্নি সুরক্ষা প্রদানের জন্য দায়িত্বপ্রাপ্ত গ্রাম, টাউন, শহর এবং অগ্নি জেলাসহ মিউনিসিপ্যালিটিসমূহ; এবং কাউন্টি এবং মিউনিসিপ্যাল শেয়ার্ড সেবা আবেদন।

স্টেটের অগ্নি প্রতিরোধ ও নিয়ন্ত্রণ অধিদপ্তর সম্পর্কে

সকল স্টেকহোল্ডারের নিরাপত্তা নিশ্চিত করতে সাহায্য করার জন্য দমকল কর্মী, জরুরি সাড়াদানকারী, স্টেট এবং স্থানীয় সরকারি এজেন্সি, সরকারি ও বেসরকারি কলেজ, এবং নিউ ইয়র্কের নাগরিকদেরকে অগ্নি প্রতিরোধ ও নিয়ন্ত্রণ বিভাগ ব্যাপক ব্যাপ্তির সেবা প্রদান করে। অফিসটি দমকল প্রশিক্ষণ, শিক্ষা, অগ্নি প্রতিরোধ, তদন্ত, বিশেষ কর্মকাণ্ড, এবং কারিগরি উদ্ধার কর্মসূচির মাধ্যমে জননিরাপত্তা অগ্রসর করে।

স্টেট ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে

[ডিভিশন অভ হোমল্যান্ড সিকিউরিটি অ্যান্ড ইমার্জেন্সি সার্ভিসেস](#) (DHSES) এর ডিভিশন বিপর্যয় এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে থাকে। আরো তথ্যের জন্য [ফেসবুকে](#), [ইন্সটাগ্রাম](#) এবং [X](#) (পূর্বে Twitter হিসেবে পরিচিত) এ [@NYS DHSES](#) ফলো করুন অথবা ভিজিট করুন dhSES.ny.gov।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)